

Қазақстан Ұлттық Банкі базалық мөлшерлемені 13%-ға дейін төмендетті

Қазақстандағы базалық пайыздық мөлшерлеме пайыздық дәліздің ауқымын +/-1% көлемінде сақтай отырып, 15%-дан 13%-ға дейін төмендетілді. ҚРҰБ-ның базалық мөлшерлеме туралы ресми баспасөз релизі реттеушінің Интернет-ресурсында орналастырылды. Бұл туралы бүгін телевизиялық БАҚ-қа арналған брифинг барысында ҚР Ұлттық Банкінің Төрағасы Данияр Ақышев хабарлады.

Ол өтімділікті беру операциялары бойынша мөлшерлемелердің 14%-ды, өтімділікті алу операциялары бойынша 12%-ды құрайтынын атап өтті.

Оның айтуынша, базалық мөлшерлемені төмендету туралы шешім бірқатар, сыртқы, сол сияқты ішкі макроэкономикалық индикаторлар серпінінде көптеген оң үрдістің сақталуына байланысты болды. Базалық мөлшерлеме бойынша келесі шешім 2016 жылғы 15 тамызда Астана қаласының уақыты бойынша 17.00-сағатта жария етілетін болады, деп қорытындылады Д. Ақышев.

Ұлттық Банк басшысы базалық мөлшерлеменің төмендеуіне әсер еткен сыртқы факторларды атап көрсетті

Бүгін Алматыда ҚР Ұлттық Банкінің Төрағасы телевизиялық БАҚ-қа ҚРҰБ-ның базалық мөлшерлеме туралы кезекті шешіміне түсініктеме берді. Ол сондай-ақ базалық мөлшерлеме бойынша шешімге әсер еткен бірқатар сыртқы макроэкономикалық индикаторлардың оң үрдістерін атап өтті.

Мәселен, оның айтуынша, мұнайдың әлемдік нарықтарындағы бағалары күткендегіден әлдеқайда жоғары деңгейде қалыптасты. 2016 жылғы мамырдың екінші онкүндігінен бастап Brent маркалы мұнай (Brent маркалы мұнайдың бір айғы фьючерсі) бір баррель үшін 45АҚШ доллары деңгейінен орнықты түрде көтерілуде (сәуірдің екінші онкүндігінен бастап – бір баррель үшін 40 АҚШ долларынан жоғары). Маусымда мұнай бағасы өткен жылғы қарашадан бері алғаш рет бір баррель үшін 50 АҚШ доллары деңгейінен көтерілді (ең жоғары мәні – 8 маусымда бір баррель үшін 52,5 АҚШ доллары), деп хабарлады Д. Ақышев.

Ұлыбританиядағы Еуропалық одақтан шығу жөніндегі референдум нәтижелеріне байланысты әлемдік қаржы нарықтарында қысқа уақыт құбылмалылық дүмпуі болды, деп атап өтті ҚР ҰБ басшысы. Оның айтуынша, ахуал бірнеше күннің ішінде тұрақтанды. «Бұл оқиға әлемдік экономикаға ұзақ уақыт әсер ететін болады, алайда, Ұлыбританияның

Еуроодақтан шығуынан болатын Қазақстан үшін тәуекелдерді Ұлттық Банк шектеулі деп бағалайды», - деп толықтырды Д. Ақышев.

Ұлттық Банк Ресейдегі оң үрдістерді де белгілеп берді, бұл, оның айтуынша, тұтастай алғанда Қазақстанның экономикасына қолайлы әсер етеді.

Бүгін ҚРҰБ-ның өзінің Интернет-сайтында базалық пайыздық мөлшерлемені 15%-дан 13%-ға дейін төмендету туралы баспасөз релизін орналастырғанын еске сала кетейік. Жаңа ақпараттық саясат шеңберінде нарықпен және жұртшылықпен белсенді қарым-қатынастарды нығайту үшін Ұлттық Банк басшылығы базалық мөлшерлеме бойынша барлық шешімдерге түсініктеме беруде. Базалық мөлшерлеме бойынша келесі шешім 2016 жылғы 15 тамызда Астана қаласының уақыты бойынша 17.00-сағатта жария етілетін болады.

Қазақстанда валюталық активтерді теңгедегі активтерге ауыстыру жалғасуда – Д.Ақышев

Қолма-қол шетел валютасы нарығында, сол сияқты банк депозиттері нарығында валюталық активтердің теңгедегі активтерге ауысуының жалғасқан үрдісі Қазақстандағы базалық мөлшерлеме деңгейін төмендету туралы шешімге әсер еткен ішкі факторлардың бірі болды.

Бұл туралы телевизиялық БАҚ үшін өткізілген брифинг кезінде ҚР Ұлттық Банкінің Төрағасы Данияр Ақышев айтып берді.

Оның сөзінше, қазақстандықтар қолма-қол АҚШ долларын айырбастау пункттері арқылы белсенді түрде сатуда. Ұлттық Банктің деректерінше, нетто сату көлемі 2016 жылғы мамырда 183,8 млн. АҚШ долларын құрады. «Нәтижесінде 2016 жылғы ақпан – мамыр аралығындағы 4 айда халық 947,2 млн. АҚШ долларын сатты (ақпанда – 277,4 млн. АҚШ долларын, наурызда – 235,7 млн. АҚШ долларын, сәуірде – 250,3 млн. АҚШ долларын)», - деп нақтылады Д.Ақышев.

Қазақстанда депозиттердің долларлануы төмендеуде. Д.Ақышевтың айтуынша, 2016 жылғы қаңтардағы ең жоғары мән – 69,9%-ды, оның ішінде жеке тұлғалардікі – 80,1%-ды және заңды тұлғалардікі 62,1%-ды құрады. Мамырда шетел валютасындағы депозиттердің үлесі 59,5%-ға дейін, оның ішінде халықтікі – 70,6%-ға, заңды тұлғалардікі – 51,7%-ға дейін төмендеді. «Алдын ала деректер бойынша маусымда депозиттерді долларсыздандыру бойынша үрдіс жалғасты», - деп толықтырды қаржы реттеушісінің басшысы.

**Теңгенің айырбастау бағамы іргелі факторлардың ықпалымен теңестірілген –
Д.Ақышев**

Қазақстанның валюта нарығындағы ахуалдың тұрақты болып қалып отырғаны туралы бүгін ҚР Ұлттық Банкінің басшысы Данияр Ақышев ҚР ҰБ-ның базалық мөлшерлеме туралы кезекті шешімін түсіндіру кезінде телевизиялық БАҚ өкілдеріне мәлімдеді.

«Ұлттық Банктің бағалауы бойынша теңгенің бағамы іргелі сыртқы және ішкі факторлардың ықпалымен теңестірілді, оны соңғы айлардағы шамалы ауытқу және біздің валюталық сауда-саттықтарға қатысуымыздың деңгейі растап отыр», - деді ҚР ҰБ Төрағасы.

Ол теңгенің айырбастау бағамының байқалып отырған құбылмалылығы іргелі факторлардың қысқа уақыттағы өзгеруіне ден қою болып табылатындығын түсіндірді. «Айырбастау бағамының ағымдағы ауытқулары туындап отырған сыртқы күйзелістерді еңсеріп, теңгерімсіздікке апармай, болашақта оның айтарлықтай өзгеруіне жол бермейді», - деді Д.Ақышев.

Оның сөзінше, 2016 жылғы маусымның соңында айырбастау бағамы бір АҚШ доллары үшін 338,66 теңге деңгейінде қалыптасты (маусымда әлсіреуі – 0,8%, жыл басынан бастап нығаюы – 0,4%).

«Ұлттық Банк көлемі бойынша айтарлықтай емес валюталық операцияларды жүзеге асырды, – деп толықтырды ол. – Интервенциялар (нетто-сатып алу) көлемі маусымда өткен айлармен салыстырғанда төмен болды және 2,5 млн. АҚШ долл. құрады. Ұлттық Банктің деректері бойынша интервенциялар көлемі мамырда – 728,3 млн. АҚШ долл., сәуірде – 830,9 млн. АҚШ долл., 2016 жылғы 6 айда – 3,2 млрд. АҚШ долл. болды.

«Біздің ішкі валюта нарығына қатысу үлесіміз маусымда 0,1%, 2016 жылғы 6 айда 24,7%, 2016 жылғы ақпан-маусымда 20,6% болды. Сондықтан Ұлттық Банктің валюталық операцияларының айырбастау бағамы серпінінің іргелі үрдісіне ықпалы іс жүзінде болған жоқ. Теңгенің айырбастау бағамы біздің қатысуымызсыз қалыптасуда», – деп атап өтті Д.Ақышев.

Оның айтуынша, активтердің жалғасып отырған долларсыздануы шетел валютасының жоғары ұсынысының сақталуына ықпал етеді. «Алайда, Ұлттық Банктің ішкі шектеулі сұраныстан болған айырбастау бағамына қысымды жұмсартқан өткен айларға қарағанда, маусымда нарықта квазимемлекеттік сектор субъектілері арқылы шетел валютасын сатып алушылар пайда болды, олар валютаны бұрын алынған қарыздарды қайта қаржыландыру үшін сатып алды. Нәтижесінде, іргелі (мұнай)

факторларға байланысты емес ұлттық валютаның нығаю тәуекелдері айтарлықтай төмендеді», - деп түйіндеді Д.Ақышев.

Бүгін ҚР ҰБ-ның Интернет-сайтта базалық пайыздық мөлшерлеменің 15%-дан 13%-ға төмендегені туралы баспасөз релизін орналастырғанын еске саламыз. Жаңа ақпараттық саясат шеңберінде нарықпен және жұртшылықпен белсенді қарым-қатынастарды нығайту үшін Ұлттық Банк басшылығы базалық мөлшерлеме бойынша барлық шешімдерге түсініктеме беруде. Базалық мөлшерлеме бойынша келесі шешім 2016 жылғы 15 тамызда Астана қаласының уақыты бойынша 17.00-сағатта жария етілетін болады.

Ұлттық Банктің АВР маусым соңында өскенін көрсетті

Ұлттық Банктің алтын-валюта резервтері алдын ала деректер бойынша 2016 жылғы маусымның соңында 5,9%-ға өсті және 30,5 млрд. АҚШ долларын құрады. Олар жыл басынан бастап 2,2 млрд. АҚШ долларына немесе 3,5%-ға өсті. Бұл туралы телевидение БАҚ арналған брифинг барысында ҚР Ұлттық Банкінің Төрағасы Данияр Ақышев хабарлады.

Оның айтуынша, ҚР ҰБ АВР 2012 жылғы шілдеден бастап соңғы төрт жыл ішінде (32,3 млрд. АҚШ доллары) ең жоғары мәнді көрсетті. Оған қоса, Ұлттық қордың валюталық активтері бір ай ішінде 0,4%-ға өсіп, 65,7 млрд. АҚШ долларына жетті (жыл басынан бастап – өсу 2,2 млрд. АҚШ доллары немесе 3,5%). Елдің халықаралық резервтері жиынтығында 96,2 млрд. АҚШ долларын құрады.

«Ақша нарығында өтімділіктің құрылымдық профициті байқалады, осыған байланысты Ұлттық Банк артық өтімділікті алу бойынша операцияларды белсенді жүргізіп отыр» - деп хабарлады Д.Ақышев.

Оның айтуынша, маусымның соңында Ұлттық Банктің ақша нарығында өтімділікті таза алуы (ашық позиция) 968,1млрд. теңгені (2016 жылғы мамырдың соңында – 638,0 млрд. теңге) құрады. РЕПО операциялары бойынша мөлшерлемелер белгіленген дәліздің төменгі шегінде тұр. 2016 жылғы 30 маусымда бір күндік РЕПО операциялары бойынша орташа алынған пайыздық мөлшерлеме 14,12%-ды (ММІ индексі– 12,21%) құрады.

Д.Ақышев атап өткендей, артық өтімділік жағдайында банктердің мерзімдері бойынша неғұрлым ұзақ операцияларға, атап айтқанда Ұлттық Банктің қысқамерзімді ноттарына деген сұранысы сақталады. Мәселен, 7-күндік ноттар бойынша кірістілік соңғы аукцион бойынша 14,63%-ды (тиімді кірістілік – 15,73%), 1-айлық бойынша – 14,49%-ды

(15,50%), 3-айлық бойынша – 14,03%-ды (14,79%), 6-айлық бойынша – 14,03%-ды (14,79%) құрады.

«24 маусымда, 2014 жылғы қаңтардан бастап алғаш рет 6-айлық ноттарды орналастыру жүргізілді. Осылайша, Ұлттық Банк ұлттық валютада кредиттеуді қалпына келтіру қисық кірістіліктің көмегімен мүмкін болатындықтан, қисық кірістілікті қатар құра отырып, ақша нарығындағы шамадан тыс өтімділікті басқару құралдарын кеңейтеді» - деп толықтырды қаржы реттеушісінің басшысы.

Қазақстандықтардың инфляциялық күтулері төмендеуде – ҚР Ұлттық Банкі

Қазақстанның Ұлттық Банкі елде инфляциялық үдерістердің одан әрі төмендеуін күтуде. Бұл туралы бүгін телевизиялық БАҚ үшін брифинг барысында ҚР Ұлттық Банкінің Төрағасы Данияр Ақышев хабарлады.

Оның айтуынша, инфляцияның күтілетін деңгейі Ұлттық Банк базалық мөлшерлеменің деңгейін айқындаған кезде сүйенетін негізгі фактор. «2016 жылғы бірінші жартыжылдықта инфляцияның деңгейі 4,6%-ды құрады, бұл алдыңғы жылдардағы көрсеткіштермен (2011-2015: 5,1%, 2,7%, 2,7%, 4,8%, 1,4%) салыстыруға тұрарлықтай деңгей. Айлық инфляцияның деңгейі де (маусымда 0,4%) толығымен Ұлттық Банктің бағалауымен сәйкес келеді», - деп атап өтті Д. Ақышев.

Маусымдағы халықтың пікіртеріміне негізделген инфляциялық күтулерге қатысты айтатын болсақ, олар да төмендеді, деп атап өтті қаржы реттеушісі. «Келесі 12 айда инфляцияның жедел қарқынмен дамуын немесе оның ағымдағы деңгейде сақталуын күтетін пікіртерімге қатысушылар үлесі 36,3% (мамырда – 37,7%) болды», - деп бөлісті пікіртерім нәтижелерімен ҚРҰБ басшысы.

Осылайша, оның айтуынша, барлық аталған факторлар инфляциялық процестердің бұдан былай төмендеуін күтуге мүмкіндік береді. «Базалық мөлшерлеменің әсері 1 жылға дейінгі кезеңде барынша қатты байқалатынын ескеруіміз қажет. Жалпы алғанда ақша-кредит талаптарының жеңілдегенін, сондай-ақ базалық мөлшерлеме бойынша бүгін қабылданған шешімді ескере отырып, инфляцияның келесі 12 айдағы кезеңде, сондай-ақ 2017 жылдың соңына дейін белгіленген дәліз шеңберінде сақталуын күтеміз. –деп жалғастырды Д. Ақышев. - Базалық мөлшерлеме бойынша кейінгі шаралар инфляция бойынша іс жүзіндегі деректерге, олардың болжамға сәйкес келуіне және инфляция бойынша нысаналы диапазонға жақындауына, халық пен нарықтың инфляциялық күтулеріне, экономика субъектілерінің валюталық басымдықтарына байланысты болады».

Бүгін ҚР ҰБ өзінің Интернет-сайтында базалық пайыздық мөлшерлемені 15%-дан 13%-ға дейін төмендету туралы баспасөз релизін орналастырғанын еске саламыз. Базалық мөлшерлеме жөніндегі келесі шешім 2016 жылғы 15 тамызда 17.00-сағатта жарияланатын болады.